



## Mii maanda Weshki-agindaming ajina Debendaming Inendamowinan miinawaa Akawaabandaming Anishinaabewi-gikenjigewin miinawaa Anishinaabe- izhichigewinan akiing Canada

Iw inawendiwin imaa nisawayi'ii debendaming (IP) miinawaa iw akawaabandaming iw Anishinaabe-gikenjigewin miinawaa iniw inaadziwinan zanagadoon miinawaa maanendaagwadoon. Maanda wii-gikendaagwad ji-maajitaamagak ji-inaakonigeng wii-gaganooniding omaa Canada.

### Anishinaabe-gikenjigewin miinawaa Anishinaabe-izhichigewinan

Niibiwa bemaadizijig gakina ningoji gaawiin gakina gegoo ogikendanziinaawaan iniw Anishinaabe-gikenjigewin miinawaa Anishinaabe-izhichigewinan, apii gaganoonidiwaad, Anishinaabe-gikenjigewin (TK) ko gikendaagwad ko gikenjigeng, nitaawichigeng, ozhichigeng miinawaa ezhichigewaad Anishinaabeg gekendamowaad gakina bimaadziwin, gitigewin, mino-ayaawin miinawaa ozhichigewin. Anishinaabe-izhichigewinan (TCEs) gikendaagwadoon wii-waabanjigaadeg miinawaa wii-waabanjigaadesinoog TK miinawaa inaadziwinan jidibaadodaming miinawaa naaningodinong dibaajimowinan, mazinibii'igewinan, ozhichigewinan, niimiwinan, agwiwinan, nagamowinan gemaa gaye manidookewinan. Miinawaa gaye TK miinawaa TCEs wii-aanjichigaadedogenan anizhiseg gikinoo'amaageng noongom miinawaa waa-bimaadizing.

### Noongom Gekendaming Debendaming Ekawaabandaming

IP izhi-gikendaagwad ezhi-gikendaming, ozhichigeng, ozhibii'igeng miinawaa mazinibii'igeng, mazinibii'iganan miinawaa gikinawaajibii'iganan, miinawaa izhinikaazowinan miinawaa mazinibii'iganan aabajitoong anokiing. IP debendaming, izhi-aabajitoong debendaming, gikinawaajibii'iganan, ezhi-dibendaming, anokiwi-mazinibii'iganan, akiwi-izhinoo'amaagewinan, miinawaa giimooj adaandiwinan, jimiinindwaa debendangig iniw zhooniyaakewin miinawaa ge-izhi-dibendamowaad gaa-ozhitoowaad, ayaapii biinish ishkwaasenig.

Biinjayi'ii Canada, inakonigewinan wenji-akawaabandaming IP, miinawaa gaye iw *Patent Act* (Ezhi-dibendaming Inakonigewin), iw *Copyright Act* (Ezhi-dibendaming Waa-izhi-aabajitoong Inakonigewin), iw *Trademarks Act* (Anokiwi-mazinibii'iganan Inakonigewin), iw *Industrial Design Act* (Anokiwi-mazinibii'iganan Inakonigewin), miinawaa iw *Plant Breeders' Rights Act* (Izhi-gitigewin Debendaming Inakonigewin). Onow inakonigewinan achigaadewan ji-ategin ayi'iin IP, inagakeyi'iin ezhi-dibendaming, inagakeyi'ii waa-izhi-akawaabandaming, ezhi-ganawaabandaming akawaabandaming, epiichaag, miinawaa anooji gegoo. Megwaa ezhiwebakin, onow



inaakonigew-anokaazowinan waa-inaabajitoong ji-akawaabandaming Anishinaabeg-  
gikenjigewin miinawaa Anishinaabe-izhichigewinan.

Inendaagwakin izhinikaazowinan ezhinikaadegin, agwaakwa'iganan miinawaa  
mazinibii'iganan, Canadian inakonigewinan wenji-akawaabandaming anokiwi-  
mazinibii'iganan miinawaa apii gaawiin maazhichigesing memindage go:

- Aanind Anishinaabe-oodenawan, maamawichigewinan, miinawaa  
giigidoochigewinan biinjayi'ii Canada wenji-ategin iniw anokiwi-  
mazinibii'iganan, debwewini-mazinibii'iganan, geget gichi-mazinibii'iganan  
miinawaa geget agwaakwa'iganan, miinawaa gaye Genuine Cowichan geget  
gichi-mazinibii'iganan miinawaa debwewini-mazinibii'iganan, iw Igloo Tag anokiwi-  
mazinibii'iganan, miinawaa iw anokiwi-mazinibii'iganan ayaawang Assembly of First  
Nations mazinibii'iganan.
- Onow mazinibii'iganan etegin izhinaagwadoon Anishinaabe-mazinibii'iganan  
miinawaa ezhinikaadegin, miinawaa onji-aabajichigaadewan wii-  
gikenjigaadegin iniw aabajichiganan miinawaa naadamaagewinan, onji  
Anishinaabe-mazinibii'igewin miinawaa mazinibii'iganan miinawaa Anishinaabe-  
miijiman, agwiwinan, babaamaadiziwi-naadamaagewinan miinawaa  
anokiwinan endazhiikangig Anishinaabeg.

Niibina Anishinaabe-izhichigewinan onji-ozhibii'igem miinawaa onji-mazinibii'igem  
miinawaa ezhi-mamaanjinojing, ezhi-dibendaming anooji gegoo izhi-  
apiitendaagwadidog ji-akawaabandaming:

- Ekawaabandamingin ateniwan anaamiyi'ii *Copyright Act* odaabajitoonaawaan  
Anishinaabeg mezinibii'igejig, ezhi-mamaanjinojingig, wezhitoojig miinawaa  
wezhibii'igejig ji-ozhitoowaad Anishinaabe-ayi'iin dibishkoo mitigo-  
biinishkwaajiganan miinawaa odoodeminaatigoon imaa Pacific inagakeyaa  
wenjibaajig mezinibii'igejig, gechi-apiitendaagwakin asiniin, Inuit ayi'iin gaa-  
ozhitoowaad, miinawaa nagamowinan miinawaa inwewinan odaapinaming  
gaa-ozhitoowaad Anishinaabeg netaa-madwewechigejig. Miinawaa gakina  
gegoo imaa Anishinaabeg endaawaad miinawaa odanokiwiiniwaan wii-  
ganawaabanchigaadeniwan ji-akawaabandaming iw Anishinaabe-  
gikenjigewin ji-adaanding giimooch iniw inakonigewinan miinawaa giimooch  
inaakonigewinan.

### **Ganabaj Waa-dawaagin miinawaa Minjikanan**

Gichi-apiitendaagwad ji-nisidotaming iw IP ateg bekish ezhi-mazinibii'igeng miinawaa  
aanjichigeng wezhichigaadegin mii iniw nayaanaagadawendaming miinawaa ezhi-  
zanagadinig Anishinaabeg wezhitoojig, ayaanjichigejig miinawaa oodenawan.

Anishinaabe-gikenjigewin miinawaa iw IP izhi-anokiwin wenji-izhi-gikendamowaad  
gakina ningoji akiing wenjibaajig miinawaa ezhi-anokaadamowaad, ezhi-nisidotaming  
gaawiin aawanzinoon meshkawaag gemaa gaye gakina gegoo gekenjigaadeg.  
Izhichigewinan ji-onji-akawaabandaming IP wenji-akawaabandaming iniw



debendamowaad igiw wenji-gikenjigaazojig gaa-ozhitoojig miinawaa ayaanjichigejig iniw ayi'iin gaa-ozhitoowaad miinawaa gaa-aanjitoowaad geget igo etenig; gaawiin wenipanasinooon waa-aabajitoong ji-akawaabandaming maamawi debendaming TK gemaa gaye TCEs wenji-apiitendaagwak oodenaang oodenawan, niibina daso-biboonaagad. Mii iniw bekaanakin ji-onji-dawaagin imaa wenji-akawaabandaming anaamiyi'ii imaa geget IP izhichigewining gaawiin waa-onji-dazhiikansing aanind dinoowan Anishinaabe-gikenjigewinan miinawaa Anishinaabe-izhichigewinan. Anishinaabeg ganabaj owii-mikaanaawaan iniw minjikanan wii-onji-zanagadinig waa-aabajitoowaad iw geget igo IP izhichigewin. Aanind onow waa-dawaagin miinawaa minjikanan:

- geget igo IP ekawaabandaming aayaapii booch waa-gikenjigaazod aw gaa-ozhitood(ji) gemaa gaye gaa-ozhitood(jig) oshkiyi'iin ji-gikenjigaazojig debendamowaad iniw IP dibendamowinan. Mii iw nesidotaming "dibendamowin" megwaa IP ezhi-nisidotaming ganabaj wiin bakaan ezhi-nisidotamowaad igiw Anishinaabeg iw "dibendamowin" ezhi-dibendamowaad Anishinaabe-gikenjigewin miinawaa Anishinaabe-izhichigewinan;
- Anishinaabe-gikenjigewin miinawaa Anishinaabe-izhichigewinan ganabaj gaawiin wii-odaapinigaadesinoon ezhi-odaapinaming IP inaakonigeng "bayezhigowang eta go" dibishkoo waa-ayaaming imaa debendaming inaakonigewining, gemaa gaye "Weshki-bezhigowang" anaamiyi'ii imaa debendaming miinawaa anokiiwi-mazinibii'igewin inaakonigewining;
- waa-ayaaming ji-inendaming geget igo waa-ateg gegoo (e.g., mazina'iganing gemaa gaye madwewechiganing) ji-akawaabandaming anaamiyi'ii noongom etegin debendaming inaakonigewining, ganabaj wii-boonichigaadedog wii-akawaabandaming wayaabanchigaadesinoog Anishinaabe-gikenjigewin miinawaa Anishinaabe-izhichigewinan maada'ooniding wiindamaading gaye endaso-gijzhig;
- aanjichigewinan Anishinaabe-gikenjigeng ganabaj waa-inendaming ji-akawaabandaming anaamiyi'ii IP noongom eteg ezhi-ayaag, miinawaa dash gaawiin iw gechi-apiitendaagwak gikenjigewin;
- iw waa-ateg epiichaag eta ekawaabandaming aanind IP, dibishkoo debendaming, anokiiwi-mazinibii'iganan miinawaa debendaming gaa-ozhitoong, gaawiin ge-akawaabanjigaadesinoog Anishinaabe-gikenjigewin miinawaa Anishinaabe-izhichigewinan apane, miinawaa iw waa-ateg epiichaag ekawaabanjigaadeg ganabaj waa-ayaaming debwewin apii gaa-ozhichigaadeg gemaa gaye apii weshki-nitamising gaa-ozhitoong, mii aayaapii gaawiin gikenjigaadesinoog;
- enagindegin miinawaa zenagakin izhichigewinan boozibii'igeng, nena'itoong miinawaa geget ayaabajitoong IP dibendamowinan aanind gekendamowaad zenagadinig dibishkoo minjikanan apii waa-aabajitoowaad iw IP izhichigewin; miinawaa



- Ezhi-odaapinaming miinawaa epiichi-aabajitoong ko mekaming IP inakonigewining ganabaj waa-onizhishinsinoog waa-inendaagwak apii Anishinaabe-gikenjigewin enendaagwak miinawaa Anishinaabe-izhichigewinan, memindage go giishpin enendaagwak gichitwaayi'ii.

Non-IP inakonigewinan miinawaa izhichigewinan apii endazhiikaming ekawaabandaming miinawaa wiindaming iw wayaabanjigaadesinoog inaadiziwin ji-onji-onizhishing inakonigewining apii endazhiikaming IP ekawaabandaming. Miinawaa gaye, dibishkoo maanda, weweni ayaabajitoong iw enakonigeng inakonigewinan miinawaa wezhitoong besho izhichigewinan oodenaang oodenawan ji-dibendaming miinawaa ji-akawaabandaming Anishinaabe-gikenjigewin.

### Niigaan Inaabing

Apii gii-zii-gwang 2018, aw Ogimaa Aanjichigeng, Ezhiwebak Nandagikendaming miinawaa Zhooniyaakewin Ozhitoong wenji-dibaadodaming iw Ezhi-dibendaming Ezhichigewin gaye Canada's Aanjichigewin miinawaa Nitaawichigewinan Inakonigewin. Mii sa wenji-izhiwebak Zhaaganaashii-ogimaawiwin wenji-izhichigeng ji-mino-inawending, apii etoong United Nations Declaration on the Rights of Indigenous Peoples (UNDRIP) miinawaa nesidotaming Anishinaabe-dibendamowinan, iw IP Inakonigewin wenji-ateg ji-dazhiikaming Anishinaabe IP gikenjigewin miinawaa gikendamowin apii ezhichigeng, apii niigaaniiwaad dazhiikamowaad maamawi Anishinaabeg, memindage go gikinoow'amaadiiwin, awashime gikendaagwak miinawaa awashime maamawi. Miinawaa wenji-atenig ji-izhichigewaad Anishinaabeg ji-wiindamaagewaad apii gaganoonidiwaad ezhichigewaad anooji gegoo, awashime ezhichigeng besho dibendamowing miinawaa miziwekamig gaganooniding dibaadodaming IP, Anishinaabe-gikenjigewin miinawaa Anishinaabe-izhichigewinan, miinawaa ji-nandawendaming waa-izhichigeng ji-doodaming iw IP izhichigewin awashime maamawi ji-dazhiikamowaad miinawaa ji-aabajitoowaad igiw Anishinaabeg.